



Broj, 01-07-10-51-140/2024
Sarajevo, 3.6.2024. godine

Na osnovu člana 25. stav (1) u vezi sa članom 26. stav (4) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23) i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Vahidina Munjića, ██████████, 71000 Sarajevo, od 27.5.2024. godine, predsjednik Visokog sudskog i tužilačkog vijeća Bosne i Hercegovine donosi

RJEŠENJE

Odobrava se pristup informacijama o broju predmeta i postupajućem disciplinskom tužiocu u disciplinskom postupku protiv tužioca Tužilaštva Bosne i Hercegovine Sanjina Kulenovića.

O b r a z l o ž e n j e

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 27.5.2024. godine zaprimilo zahtjev Vahidina Munjića, ██████████, 71000 Sarajevo (u daljem tekstu: podnositelj zahtjeva) za pristup informacijama u vezi sa njegovom pritužbom na rad tužioca Tužilaštva Bosne i Hercegovine Sanjina Kulenovića. Konkretno, tražen je broj predmeta pod kojim se isti vodi na osnovu pritužbe od 10.5.2024. godine te ko je postupajući disciplinski tužilac kojem je dodijeljen predmet u rad.

Razmatrajući predmetni zahtjev, u skladu s nadležnostima VSTV-a BiH, utvrđeno je da VSTV BiH posjeduje podatke navedene u izreci ovog rješenja, te da omogućavanje pristupa istim nije protivno odredbama Zakona o slobodi pristupa informacijama na nivou institucija Bosne i Hercegovine ("Službeni glasnik BiH" 61/23; dalje u tekstu: Zakon).

Uvidom u službenu evidenciju, utvrđeno je da je VSTV BiH, na sjednici održanoj 15.5.2024. godine usvojilo zahtjev glavne disciplinske tužiteljice za izuzeće u predmetima, broj: UDT DP 013801 24 i UDT 013802 24 te je, primjenjujući automatizirani sistem odabira, za postupanje u navedenim disciplinskim predmetima, odredilo Halidu Vrabac, zamjenicu glavne tužiteljice Okružnog javnog tužilaštva u Istočnom Sarajevu. Dakle, brojevi pod kojim se vodi disciplinski predmet iz izreke rješenja su UDT DP 013801 24 i UDT 013802 24, dok je postupajuća tužiteljica Halida Vrabac.

Postupajući po zahtjevu podnosioca, a u skladu sa svim gore navedenim, odlučeno je kao u dispozitivu ovog rješenja.

Pouka o pravnom lijeku:

Protiv ovog rješenja podnositelj zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositelj žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnositelju zahtjeva
2. [REDACTED]
3. U spis